


# Dienelkander



## Nuusbrief van die Gereformeerde Kerk Potchefstroom-Oos

3 Mei 2015

**OGGENDDIENS:** Ds. Piet

**Skriflesing en teks:** Romeine 12: 1 - 2

**Tema:** Ons moet nie dat die sondige wêreld ons denke en lewe vorm nie, maar laat God ons verander en sodat ons sy wil kan ken en doen.

Het jy ook al agtergekom hoe die sondige wêreld dit regkry om die maatstaf of vorm te wees wat ons lewe vorm. Dink aan 'n koekiedrukker: die vorm van die wêreld druk die vorm in die deeg van ons lewe uit.

Baie keer is dit vir gelowiges belangriker om in pas met die wêreld te wees as om in pas met God te wees. Wanneer die staat sekere wetgewing maak of die samelewing sekere standaarde aanvaar dan dink ons dat ons ons ook daardeur moet laat lei. Wanneer my vriende op 'n sekere manier optree, dan doen ek ook so want ek wil deel van die groep wees. Ons laat toe dat hulle ons denke en dae vorm in plaas daarvan dat God ons denke en dae vorm.

God doen die vormwerk in ons lewe en ons moet ons deur Hom laat verander sodat ons sy wil kan ken en dit ten volle kan uitleef! Om die rede sal ons lewe totaal anders as die van die wêreld wees en ons moet leer om dit te aanvaar en ons vreugde daarin te vind.

**Vooraf sang**

Sb 2-2: 1, 2 en Sb 1-2: 1, 2, 3

**Ontmoetingsdiens**

Intreelied as votum: Ps 121-1: 1; Seën; Loflied Ps 1-1: 1, 4; Geloofsbelydenis: Sing Sb 13-2: 1, 2

**Verootmoedigingsdiens**

Wet: Lees Galasiërs 5: 13 - 26; Sing Ps 119-2: 17, 19; Gebed

**Woorddiens**

Skriflesing; Woordverkondiging

**Antwoorddiens**

Sing: Sb 15-1: 1 (almaal), 2 (brs), 3 (srs) 4 (almaal); Liefdegawes; Gebed vir BnB : Nepal aardbewing; Sing Sb 8-1: 1, 2; Seën; Amenlied Sb 13-3.

### GROEPBEDIENING

Ons kleingroepe kry vanaand die geleentheid om te vergader.

Daar vergader 'n groep om 18:00 by die kerkgebou onder leiding van ds Piet. Bring jou Bybel en Psalmboek saam.

### MEELEWING

- Gideon Coetzee se dogter, Fransisca, was in 'n fratsongeluk en is met veelvuldige beserings in die hospitaal opgeneem. Sy het in Johannesburg 'n operasie ondergaan om haar milt te herstel.
- June Kruger (Groep 28 - 082 853 1463) ondergaan 'n rugoperasie op 7 Mei in Pretoria.
- Laura Opperman (Groep 26 - 076 978 3999) is tuis na 'n geslaagde heupvervanging, sy sal nou vir 3 weke in die versorgingseenheid van Huis Anna Viljoen tuis gaan.

**Ons bid dat die Here spoedig beterskap en herstel sal gee.**

**ONS DINK OOK AAN DIE VOLGENDE  
LIDMATE WAT SUKSEL MET SIEKTE OF  
SWAK GESONDHEID**

Srs Sannie Reyneke, Filina Coetsee, Marianne Kruger, Bettie Ras, Janet vd Walt, Hester Buys, Adrie de Kock, Kosie Kruger, Therina vd Westhuizen en br Fanie Bezuidenhout.

**ONDERSTEUNING VIR SIEKES**  
Vir ondersteuning of besoeke deur die hospitaalbesoek-diensgroep, skakel hierdie week vir:

[siekes@oosdoppers.co.za](mailto:siekes@oosdoppers.co.za);

Anna Smith (084 431 8476);

Annatjie Grobler (073 258 7833)

**AFKONDIGINGS**

**Vandag**

09:00 Gebedsgroep

09:30 Oggenddiens

Tee en Koffie

Geen Kleuterbediening

Geen Katkisasie

16:00 Diakonievergadering en verslae

18:00 Groepbediening

**Maandag**

**Fokustyd begin tot 7 Junie**  
**Katkisasieverslae in handig**

17:15 Katkisasie Gr 11

17:30 Eiendomdiensgroep

18:00 Oosdopperfees

**Dinsdag**

06:00 Manne Ondersteuningsgroep

16:30 Katkisasie graad 8

18:00 Missionale kerkwees: dr Darryll

Guder (Princeton VSA) by die Bult

18:30 Katkisasiediensgroep

**Woensdag**

09:30 Bybelstudie

17:15 Katkisasie graad 9 en 10

19:00 Bybelstudie

**VERJAARSDAE**

Baie geluk aan almal wat DV hierdie week verjaar!

**Sondag, 3 Mei**

Br Phillip Venter 082 403 2890

**Dinsdag, 5 Mei**

Sr Yvonne Coetsee (83) 082 775 1950

Sr Marilize v Deventer 082 822 8053

**Woensdag, 6 Mei**

Sr Ina Jordaan (73) 082 375 7666

Jsr Lara Naude 018 290 9681

Sr Rita Venter 072 260 5082

**Donderdag, 7 Mei**

Jsr Zara Bezuidenhout 082 335 3304

Sr Alta Marais 084 286 9153

Sr Chantell v Zyl 076 450 8034

**Vrydag, 8 Mei**

Sr Tilla Botha 072 445 3506

Jsr Tineke Coetzee

Br Boet Schoeman 082 927 0012

**Saterdag, 9 Mei**

Sr Rina Vosloo 082 818 5196

**ANDER AFKONDIGINGS**

- Liefdegawe vanoggend vir Barmhartigheid.
- Gawe by die deure vanoggend vir die GKSA: Sustentatie.
- Gawe volgende Sondag vir die Emeritusfonds.
- Vrywillige bydrae vir voertuigsekuriteit in die bussies by deure.
- Diensbeurte: Groep 6 en 7.

**GEMEENTELIKE FOKUSTYD 2015: FOKUS  
OP GEESTELIKE GROEI**

Ons jaarlikse fokustydperk begin môre en duur tot 7 Junie. Ons begin die week met vyf huisgodsdienstriglyne vir gesinne en individue. Daar is ook elke week 'n Groepbybelstudieriglyn oor die daaropvolgende Sondag se preekteks. Ons sluit die week af met 'n preek oor die besondere tema.

Deur die loop van die vyf weke gaan ons op vyf aspekte van Geestelike Groei fokus, naamlik:

1. Die Weg van Saligheid as fondament vir Geestelike Groei;
2. Die werk van die Heilige Gees in Geestelike Groei;
3. Die rol van liefde en die Wet in Geestelike Groei;
4. Die wortels en vrugte van Geestelike Groei; en
5. Opdragte van diensbaarheid en hoe ek ander kan begelei tot Geestelike Groei.

### **2015 FOKUSTYD HANDLEIDING: GEESTELIKE GROEI**

Die predikante het ons fokustydhandleiding opgestel, daar is vandag vir elke gesin een in die voorportaal van die Skuur beskikbaar.

Ons versoek alle lidmate en groepe om saam te werk aan die fokustydperk en so saam te verdiep in die Woord en geestelike groei te ervaar.

### **Fokustyd: Praktiese projek: BORG 'N BYBEL**

Saam met die Fokustydperk wil ons ook iets prakties doen. Terwyl ons so verdiep in die rykdom van die Woord, wil ons ook meewerk om Bybels te gee aan mense wat nie hulle eie Bybels het nie. Ons gaan meewerk aan die Bybelgenootskap se "Borg 'n Bybel-projek". Lidmate en of groepe kan besluit om 'n Bybel of Bybels te borg teen R 65.00 'n Bybel. (Begin sommer nou al 'n paar rand hiervoor wegsit) Ons wil een van ons kleingroepe vra om die administrasie van die projek te hanteer met koeverte, kleingeldhouertjies vir kinders en 'n sigbare barometer wat weekliks beskikbaar moet wees. As julle kleingroep hiermee wil help, kontak asb een van die predikante.

### **Lê DAAR BAIE ONGEBRUIKTE BYBELS IN DIE HUIS ROND? BRING DIT KERKGEBOU TOE IN DIE VOLGENDE VYF WEKE**

Die organisasie Judea Harvest in samewerking met Bibles for Believers versamel in Mei-maand ou of ongebruikte Bybels van alle tale en vertalings om weer te versprei. Ons werk graag hieraan mee. Die verlore Bybels in die

Skuur, wat nie deur lidmate geneem word nie, gaan ons ook vir hierdie projek skenk. Kyk bietjie in die kaste en laaie vir ou en ongebruikte Bybels en ons gee dit vir iemand wat dit gaan gebruik. So werk ons ook mee aan die verkondiging van die Evangelie

### **Aan al die predikante / ouderlinge / lidmate van die GKSA in Gauteng en Noordwes**

Die groot gesprek in die GKSA gaan nou oor die Omkeerstrategie / Kerkgroei / Missionale kerkwees. Ons is bevoorreg om dr Darryll Guder (Princeton VSA) by twee geleenthede in ons midde te hê om meer hieroor met ons te kom praat. Hy is die skrywer van die boek "Missional Church". Meer inligting oor hom by die volgende skakel: [http://www.ptsem.edu/index.aspx?id=1908&menu\\_id=72](http://www.ptsem.edu/index.aspx?id=1908&menu_id=72)

Diegene wat 'n video-onderhoud met hom wil kyk:

<https://www.youtube.com/watch?v=QselVluDwyc>

**Noordwes: Dinsdagaand 5 Mei by Gereformeerde Kerk Die Bult om 18:00.**  
RSVP by naas.ferreira@nwu.ac.za  
Toegang: GRATIS (Met net 'n sagte kollekte om te help om onkoste te dek)

### **KENNISGEWINGBORD**

- Moot-Kamp vir graad 10 - 12 leerders.
- Hou God in skole projek - fietstoer en ondersteuning.

### **ONDERSTEUN DIE VOORTSETTING VAN GODSDIENS IN SKOLE**

Daar is 'n poging om in die hooggeregshof die grondwetlike reg van Christene om die Christelike godsdiens in skole te beoefen, tot niet te verklaar. Kerk en ander burgerlike organisasies werk saam om skole in die hofsak by te staan ter wille van die belang van ons kinders. Kyk op die kennisgewingbord in die Saal hoe jy by die projek betrokke kan raak. Daar is veral fondse nodig om die skole in hulle regskoste te help.

## PROJEKTENUUS OOSDOPPERFEES - 30 MEI 2015

Mede-gelowiges van Potchefstroom-Oos

Bydraevorms is beskikbaar by u groepleiers asook in die voorportaal van die saal, kerk en in die kerkkantoor. Baie dankie aan die groepleier vir sy/haar hulp hiermee.

Indien u nog nie u bydraevorm ontvang het nie kan u by die kerkportaal of op die tafel in die skuur een neem

*Belangrike datums:*

- *Handig asseblief die vorms in vanaf 3 Mei tot 17 Mei.*
- *Produkte wat beloof is op die vorm kan vanaf 25 Mei afgegee word by die skuur.*
- *Bederfbare produkte kan al 29 Mei afgelewer word by die kerk.*
- *30 Mei - Oosdopperfees! Sien jou daar! Kom werk saam en geniet saam die feesdag!*

### VLEISBESTELLINGS

Ons herinner u dat die vleisbestellings teen 17 Mei ingehandig moet wees. Daar is bestelvorms in die voorportaal van die kerk, die skuur en in die kerkkantoor beskikbaar.

### PAP- EN KAIINGFEES

Die Gereformeerde Kerk Ventersdorp hou D.V. op Saterdag, 9 Mei 2015 vanaf 09:00 hulle elfde Pap- en Kaiingfees op die kerkterrein. Al die lekker van die vorige jare sal weer daar wees: Pap en Kaiings, die Plaaskombuis met alles wat daar te ete is, pannekoek, nagereg en 'n kultuurtafel met handwerk en lekkernye, 'n Pretville vir die jongklomp en die trooshoekie waar die boeretroos na hartelus geniet kan word. Daar is ook vars vleis beskikbaar en vleisbestellings kan geplaas word (Stuur 'n e-pos na [ventersdoppers@gmail.com](mailto:ventersdoppers@gmail.com) om die bestelvorm te bekom. Vleis wat bestel is moet egter op die dag van die fees op die kerkterrein afgehaal word; geen aflewings kan

ongelukkig gedoen word nie). Teken gerus solank die datum aan! Vir verdere navrae kontak br. Fanie Coetzee (083 673 9587).

### STERREKYK



Almal word hartlik uitgenooi na 'n aand van sterre-kyk onder leiding van astronome van UNISA! Dit vind plaas op **23 Mei 2015**. Ons gaan by Around the World, die plaas van Lou en Magdaleen Venter saam kuier. Ons gaan ook lekker saam aandete eet.

Ons vra dat almal wat die aand saam met ons wil deurbring, asseblief hulle name op die lys in die voorportaal sal aanbring. Indien jy graag wil kom, maar jy het 'n vervoerprobleem, dui dit ook asseblief vir ons aan - ons sal 'n paar voertuie beskikbaar hê om te help met vervoer.

#### **Kostes:**

Volwassenes/hoërskoolkinders = R50 p/p

Laerskoolkinders = R25 p/k

Vir enige navrae, skakel gerus vir Karel (0724768794) of Susan Steyn (0795951502).

*Oosdoppertjies se antwoorde vir vandag:  
Moses, Manasse, Jakob, Levi en Gam*

# Susters



## TEESKINKGELEENTHEID

Tee word vandag in die Skuur bedien onder die leiding van Maryna vd Walt (groep 13); Odelia Venter (groep 28) en Annari Schutte (groep 44).

Baie dankie aan die groepsusters en hul groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

## SUSTERSBYDRAE

Die susters se fondse word verkry uit elke suster se vrywillige bydrae (R150 per jaar) en die fondse wat geïen word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.

**Kyk gerus uit vir ons bruinkovert waarin jy jou sustersbydrae kan sit en in die kluis kan gooi!** (Beskikbaar op die tafel in die kerk se portaal en ook in die skuur se portaal)

## KWARTAALPROGRAM

DATUM	DAG	TYD	WIE	AKTIWITEIT
25-29 Mei	Maan-Vry	13:00 en 18:00	Naamlys	Oosdopperfees - Vleiswerk - etes
30-Mei	Saterdag	09:00	Almal	Oosdopperfees
07-Jun	Sondag	19:00	Blok D	Ouderlingevergadering - verversings
09-Jun	Dinsdag	19:00	Blok B	Sustersamekoms
21-Jun	Sondag	12:00	Blok C	Nagmaalete

## BAIE DANKIE AAN ONS BORG VAN DIE WEEK!

### **VIVIERS** INGELYF PROKUREURS

*Skakel Pierre Viviers vir die volgende regsdiens:*

- \* Opstel van testamente
- \* Boedel- en aftreebeplanning
- \* Bereddering van bestorwe boedels
- \* Stigting van trusts
- \* Registrasie van onroerende eiendom
- \* Siviele litigasie – Hoë- en Landdroshof
- \* Skuldinvorderings
- \* Huweliksvoorwaardeskontrakte
- \* Lugvaartregsdienste
- \* Lugvaartversekering – FSP nommer 43890

Eerstevloer  
Octrongebou  
James Morokalaan 62  
Potchefstroom  
☎ (018) 297-5201 k/u  
pierre@viviersattorneys.co.za

# 00SD0PPER0TJIES



## NUUS UIT DIE BYBELKOERANT

### SEUN VERMIS: DALK PROOI VAN ROOFDIER

HEBRON - 'n Sewentienjarige seun, Josef het vandeeweek vermis geraak toe hy na sy broers se welstand gaan verneem het waar hulle hulle pa, Jakob, se kleinvee oppas. Die broers het sy bloedbevlekte klere in die veld gekry en dit na hulle pa gestuur, klaarblyklik te ontsteld oor hulle broer om self die hartseer tyding aan hulle pa oor te dra. 'n Slaaf het gister met die kled hier aangekom.

Jakob is ontroosbaar en wou ons nie te woord staan nie. Die aanskoue van die klere was glo vir hom besonder traumaties, aangesien hy die klere nog spesiaal vir sy seun se sewentiende verjaarsdag laat maak het. Dit is algemeen bekend dat Jakob 'n baie sagte plekkie vir Josef gehad het. Hy was die oudste seun van Jakob se lieflingsvrou, Ragel, wat hom enkele jare gelede ontval het met die geboorte van haar tweede seun, Benjamin.

Josef is verlede week hiervandaan na Sigem toe om sy broers te soek. Die laaste persoon wat hom lewend gesien het, was 'n boer van Sigem, wat vir hom vertel het dat sy broers met die vee na Dotan getrek het. Hy het egter nooit in Dotan aangekom nie.

Intussen het ons verneem dat die boere in die omgewing van Dotan 'n ekspedisie gereël het om die roofdier, vermoedelik 'n leeu, vakant te maak.

“As hy een kind kon vang, sal hy dit weer doen, en dit kan ons nie toelaat nie. Hy moet dood,” het hulle gesê.

*Lees hiervan in Genesis 37:12-36*

### GEDAGTE VIR VANDAG:

“The more you read the Bible ...  
the more you will  
love the Author.”  
-Anoniem-



Vandag moet julle broers soek: Skommel die name in die regterkolom en skryf elke naam langs sy broer se naam in die linkerkolom.

Aäron	_____	naaMses
Efracim	_____	seMos
Esau	_____	bokJa
Ruben	_____	maG
Jafet	_____	Liev